

Нуфузли мусобақага Халқаро кураш ассоциацияси президенти бошчилигидаги делегация ҳам ташриф буюради



Анжуманда Жисмоний тарбия ва спорт вазирининг биринчи ўринбосари Р.Эрматов, Миллий олимпия қўмитаси Бош котиби О.Касимов, Ўзбекистон кураш федерацияси раиси ўринбосари У.Умаров, шунингдек хорижлик меҳмонлардан Бангладеш ёшлар ва спорт вазилиги котиби Соҳил Аҳмад, Руминия делегацияси раҳбари Н.Белгин, Озарбайжон делегацияси раҳбари М.Хусейнов ҳамда маҳаллий оммавий ахборот воситалари ходимлари иштирок этди.

– Кураш бўйича Ал-Ҳаким Ат-Термизий анъанавий XV халқаро турнирига Халқаро кураш ассоциацияси президенти Ҳайдар Фармон бошчилигидаги делегация ҳам ташриф буюрадиган бўлди. Ушбу ташриф доирасида кураш спортини дунёда янада ривожлантириш истиқболлари муҳокама қилинади, – деди анжуманда сўзга чиққан О.Касимов.